

La valeta nutritiva de fein magher e fein de terren cultivau

Autor(en): **Casutt, C.P.**

Objektyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **25 (1951)**

PDF erstellt am: **27.07.2024**

Persistenter Link: <https://doi.org/10.5169/seals-881388>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

La valeta nutritiva de fein magher e fein de terren cultivau

da C. P. Casutt, Cuera / Falera

En raschienis denter purs audan ins aunc oz beinenqualga ch'in ni l'auter pretenda che fein de prau-magher buca cultivau seigi de pli gronda valeta che tal de prau cultivau mo cun ils divers cultems artificials. In ch'enconuscha empauet meglier la valeta ded ina buna cultivaziun, nua che tut las substanzas necessarias per ina plonta, aschilunsch sco ellas secattan buca gia el terratsch, vegnan impundidas, pia specialmein il sal de cali, phosphor, nitrogen ed ev. era caltschina, sa che la produenziun de fein e risdiv ei pli gronda e che la qualitat dil pavel ei era el medem temps de megliera qualitat. Quei muossan era diversas intercuriziuns si, fatgas alla staziun federala ded Oerlikon. Ins ha tarmess a quella staziun fein derivont de prau magher mai cultivau e tal de prau che fuva a sias uras medemamein buca cultivaus, mo nua che la raccolta era vegnida augmentada considerablamein entras impunder tut las necessarias sorts cultem artificial, meglier detg gidonts, per laschar intercurir sin lur valeta per perver a nos animals. L'analisa della staziun de perscrutaziun ded Oerlikon secloma sco suonda.

1. L'analisa botanica muossa, ch'il fein dellas parzellas cultivadas enviers tal dellas parzellas buca cultivadas ei semidaus grondamein el meglier senn. Specialmein ei il tscheff tschessaus per 60% e la part de treifegl ei carschida da 10% sin 15%.

2. Tgei che sefa valer tut specialmein tiel cumplein engrasch, ei il cuntegn dil «clar d'iev» tuchegieivel, che semuossa en las parzellas buca engarschadas cun 4,1% encunter 5,1% en talas cultivadas. En general maglia ina vacca 15 kg fein a di. Cun gl'alzament dil cuntegn d'iev per 1%, pren ella si 150 grams clar d'iev depli a di. Ils technichers sin il territori de perver interpreteschan il prender si 150 grams clar d'iev a di de pli cun ina surpli prestaziun de latg de 3 liters a di per vacca. 4,1% clar d'iev tuchegieivel furneschan 5 liters latg a di, 5,1% clar d'iev tuchegieivel denton 8 liters a di.

3. L'analisa sin phosphor, cali e caltschina muossa tiellas diversas purziuns de fein il sequent maletg:

	engarschau	buca engarschau
phosphor	0,63	0,23
cali	1,4	0,84
caltschina	1,8	1,6

pia in alzament de phosphor ch'ei treis gadas pli gronds che tal de fein buca cultivau. Ils animals obtegnan sin tala moda treis gadas depli phosphor el pavel, che ha ina gronda muntada per baghegiar si lur ossadira. L'analisa botanica muossa da l'otra vart, che la composiziun dils divers treifegls e dil fein vesan ora sco suonda.

Fein buca cultivau	fein cultivau
10% Rotklee, Weissklee, Hornklee, Hufeisenklee,	15% Rotklee, Hopfenscheckenklee, Hornklee,
20% Rotschwingel,	10% Weissklee,
20% Geruchgras,	30% Rotschwingel,
30% Borstgras (tscheff),	15% Geruchgras,
5% Gemeines Straussgras,	10% Borstgras (tscheff),
15% divers feins,	15% Straussgras, e 5% divers feins

Ord il sura resultat vesan ins che specialmein la part de treifegl ei carschida considerablamein gia gl'emprem onn de cultivaziun. Sefundond puspei sin talas zefras savein nus constatar, che biars de nos purs havessen la pussevidad de raccoltar dagl agen funs considerablamein depli e qualitativamein bia meglier fein. Fuss la cultivaziun dil funs sin l'entira lingua intensiva, havessen puspei bia purs, era els pli bia cass, sufficient funs avon maun per envernar lur muvels en uorden e savessen ultra de quei aunc segirar per gronda part ord lur beins per casa e nuegl in sufficient quantum de garnezi, truffels e strom, per il qual ins entscheiva ussa puspei ad impunder memia bia daners ordeifer e tralai cheutras ina pli vasta atgna produczion.

Ils medems daners savessen vegnir impundi el menaschi puril sin outra moda cun bia pli grond success, denton ein quels ord il sura allegau motiv buca avon maun. En nies Cantun dierman en nos funs valetas de milliuns muort nunsufficienta cultivaziun, las qualas valetas stuessen plaun a plaun tonaton vegnir mobilisadas. Mussaments che quella mobilisaziun ei pussevla, anflein nus dapertut entuorn, sche nus mein cun egls aviarts atras la veta.